

INUIT ATAQATIGIIT

Inatsisartuni



23. februar 2017

Inatsisartut suleriaasianni § 37 naapertorlugu Naalakkersuisunut imaattunik apequteqarpunga:

- a. Inatsisartut inatsisissaat nr. 17, 17. november 2010-imeersumi Illoqarfiit avataanni asimi nunap atornerqarnerani inuiaqatigiit soqutigisaat tamarmik - inuit nalinginnaat aammalu inuussutissarsiortut assigiinngitsut - ataatsimut isiginiarneqarnissaat qanoq qularnaarneqassava?**
- b. Inatsisartut inatsisissaat nr. 17, 17. november 2010-imeersumi inatsimmut atasumik nalunaarusiortoqassava kommunit najoqqutarisinnaasaannik?**
- c. Inatsisartut inatsisissaat nr. 17, 17. november 2010-imeersumi inuit nalinginnaat aammalu assigiinngitsunik inuussutissarsiutillit nunatsinni assigiiaanik atugassaqartitaanissaat qanoq qularnaarneqassava?**
- d. Inatsisartut inatsisissaat nr. 17, 17. november 2010-imeersoq asimi nunap atornerqarnerani nunaqavissut salliutinneqassappat?**

(Inatsisartuni ilaasortaq Kelly Berthelsen, Inuit Ataqatigiit)

Tunngavilersuutit:

Inatsisartut inatsisaanni aallaqqaasiummi innersuussutigineqartumi inatsisip siunertaa pillugu imaattunik allassimasoqarpoq:

“§ 1. Inatsisartut inatsisaata siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu atornerqarnissaat qularnaarneqassasoq. Siunertaq taanna anguneqassaaq,

- 1) pinngortitap illersorneratigut,
- 2) inuiaqatigiit tungaanniit isigalugu naleqquttumik nunaannaap aamma sanaartukkat inuit pilersitaasa akornanni immikkoortiterinikkut,
- 3) nunap nunaminertaasa pilersaarusiorneq inuussutissarsiornikkut, inooqatigiinnikkut avatangiisitigullu iluaqutaasumik ineriartornermik siursaasusaaq naapertorlugu atornerqarnerisigut,
- 4) innuttaasut nunaminertat atornerqarnissaat pillugu pilersaarusiornermi peqataatinnerisigut, aamma
- 5) nr. 1-imiit 4-imut naapertorlugit aalajangiussinerit sanaartorfissanut aningaasaqarnermillu pilersaarusiornermut ataqatigiissinnerisigut.”

Allassimasoq una “...ataatsimut naliliineq tunngavigalugu atornerqarnissaat qularnaarneqassasoq.” Qanoq timitalersorneqassasoq erseqqinngilaq naak ullutsinni inuussutissarsiortut assigiinngitsut nunatsinni asimi nuna pilerngutiinavissutullusooq ilersimagaluaaraat. Takornariartitsisut, aalisartut piniartullu, sukisaarsaariat, savaatillit, nersutaatillit, nuna ataaseq tamarmik soqutigisaqarfigaat.

Kommunit nunaminertanik “agguaanerminni” erseqqinnerusunik najoqqutassaqanngillat aammalu inuiaqatigiit qanoq agguassisoqartarnissaanik sukumiinerusumik oqallissimanatik.

Aamma nunat allamiut pingaartumik takornariartitsisut asimi nunaminertanik atuigaluttuinnartillugit nunaqavissut amerlasuutigit ingiarneqartalerput. Soorunami tamanna sivilisunerusumik attanneqarsinnaanaviangilaq.

Ullut suliffiusut qulit iluanni apeqqutikka akineqarnissat kissaatigaara.